



WWF for a living planet®

Qallunaatuumiit kalaallisuunngortitaq

WWF i Grønland
Tuapannguit 38
3900 Nuuk
Kalaallit Nunaat,
Greenland

Tel. +299 52 39 00
www.wwf.dk

Inuussutissarsiornermut, Niuernermet, Aatsitassanut Inatsiseqarnermut Naligiissitaanermullu Naalakkersuisoqarfik
Imaneq 4
3900 Nuuk

Nuuk 1. marts 2024

Kuultisiorfik Nalunaq pillugu avatangiisinut kiisalu inuiaqatigiinnut sunniutissanik nalunaarusiat tusarniutigineqarnerannut akissutit

”Kuultisiorfik Nalunaq pillugu avatangiisinut kiisalu inuiaqatigiinnut sunniutissanik nalunaarusiat” WWF-ip (Pinngortitaq pillugu Aningaasaateqarfissuup) misissuataarsimavai imaattunillu pinngortitamut tunngasortaannavianut oqaaseqaatissaqarluni.

Ataatsimut isigallugu

Avatangiisinut sunniutissanik naliliinerup massakut nassiunneqartup tusarniutigineqaqqaartumiit pitsaaneruneranik Danmarkimi Avatangiisinik Nukissiutinillu Misissuisoqarfik / Pinngortitaleriffillu naliliinerat pitsaasuvoq. Siusinnerusukkut nassuiaasiarinqartunut sanilliullugu sukkorpiaq pitsaanerunersoq sukumiinerusumik oqaatigineqarsimasuuppat iluaqutaqqajarpoq.

WWF Kalaallit Nunaatali Danmarkimi Avatangiisinik Nukissiutinillu Misissuisoqarfiup / Pinngortitaleriffiullu naliliinerat imaattoq maluginiarpaat:

”Kisiannili ASN-imut missingiusiami inerniliinerit ilaannut atuagarsornikkut isummiussat imaluunniit allaffimmi najoqqutassiornermilu misissuinerit tunngavigineqarput. Taakkununga inerniliinerit soorunami avatangiisinut sunniutaasinnaasunik annertussusiliinerit, navianartorsiorfusinnaasut pinaveersaartitsiniarlunilu eqqarsaatigalugit nalorninartortaqrput.”¹

¹ https://naalakkersuisut.gl/-/media/horinger/2024/01/0501_nalunaq_guldmineprojekt/uafhaengig/n2023_73_dk.pdf



for a living planet®

Avatangiisinut sunniutissanik nalunaarusiami ilumoortut naatsorsuutigineqartut uppersarniarlugit aammalu avatangiisinut sunniutaajunnartut ajutoorfiusinnaasullu kiisalu sunniutinik annikillisaaniarluni periusissiat annertussusilerlugit takutikkumallugit paasissutissanik amerlanerusunik pissarsisoqarnissaanik Danmarkimi Avatangiisinik Nukissiutinillu Misissuisoqarfiup / Pinngortitaleriffiup iliuuseqaqqusinera WWF Kalaallit Nunaata taperserpaa.

Imaqarniliaq paasiuminarsagaq danskisoortoq kalaallisoortorlu pillugit oqaaseqaatit

Imaqarniliaq paasiuminarsagaq danskisoortoq kalaallisoortorlu pillugit oqaaseqaatit Avatangiisinut sunniutissanik nalunaarusiornermut ilitersuummi oqaatigineqartut avatangiisinut sunniutissanik nalunaarusiornermi siunertaasoq ilaatigut tassaavoq aalajangiiniarnermi innuttaasunik peqataatitsinerup tunngavissiorneqarnissaa. Tamatumunnga atatillugu *Imaqarniliaq paasiuminarsagaq* pingaaruteqarluinnarpoq, taannarpiarmi atorlugu suliariniagaq paasinarsarneqassamat avatangiisitigullu sunniutaajunnartunik pingaarutilinnik, taakkulu qanoq pinngitsoortinniarneqarsinnaaneriniq, innuttaasut paasitineqassammata. Taamaammata Kalaallit Nunaanni WWF-ip kajumissaarutiginiarpaa pingaartumik *Imaqarniliaq paasiuminarsagaq* paasinarluarluni kalaallisut nutseruminartuussasoq. Imaqarniliami qassitigut oqaaseqatigiit takivallaat atorneqartarput, tamatumalu kingunerisaanik kalaallisoortaa paasinarunnaartarpoq atuaruminaranilu. Avatangiisinut sunniutissanik nalunaarusiaq allanngortinneqassaaq taamaangippat kalaallisuinnaq oqaasillit suliariniakkamat tunngavissarissaarlutik isummersinnaassanngimmaata. Oqaaseqatigiit naatsut erseqqissullu pitsaanerupput naak ilaatigut takisuuliornissaq pinngitsoorneqarsinnaasassanngikkaluartoq.

Panertunik akuiarnerlukuusiviup inissinneqarnissaa pillugu Danmarkimi Avatangiisinik Nukissiutinillu Misissuisoqarfiup / Pinngortitaleriffiup najoqqutassiai tamakkerlugit malinneqartariaqarput.

Kalaallit Nunaanni WWF-ip suliariniagaq akuerineqassagaluarpata akuiarnerlukuusiviup inissaa alla pillugu Danmarkimi Avatangiisinik Nukissiutinillu Misissuisoqarfiup / Pinngortitaleriffiup kaammattuutai malinneqartariaqarluinnartut isigaa. Najoqqutassiat tulliuttut sisamat tamarnik malinneqartariaqarput:

1. *Periarfisasut allatut nassuiaatigineqartoq qaarsumiittariaqarpoq Itillersuup Qooruata nunap iluatigut imeqarfiata kinnerni tiggusimasuunngitsuni pinnani.*
2. *Itillersuup Qooruani timiminiit kuuffissaqarnerusumi, taamalu qarsutsinissamat periarfissaqarnerusumi pinnani periarfissatut allatut taaneqartoq timinit kuuffigineqarsinnaanera annikinnerusariaqarpoq.*
3. *Itillersuup Kuuanut qaninnerusuni inissiivigiumaneqarnerusumi pinnani periarfissatut allatut nassuiarneqartoq panertunik akuiarnerlukuusivik kuummit qanittumiittumi neriorneqarsinnaaffiginngisamini inissisimasariaqarpoq.*
4. *Inissiivigiumaneqarnerusoaq assignagu, taannami Itillersuup Kuuanut toqqaannaq aniaffiummat, periarfissaq alla nassuiarneqartoq mianernartunut, soorlu Itillersuup Kuuanut, kuuffeqartariaqanngikkaluarpooq².*

² Bach, L, Juncher Jørgensen, C, Bomholt Dyrholm Jacobsen, I, Jia, Y. 2023. DCE/GN – Miljøfaglig vurdering af 'Nalunaq Gold Project. Environmental Impact Assessment, March 2023', Aarhus Universitet, DCE - Nationalt Center for Miljø og Energi . – Scientific briefing. 4 april 2023 | 73



for a living planet®

Panertunik akuiarnerlukuusiviup avatangiisinut ajoqusiineri peratarsinnaasut killilernissaat, ajornanngippallu pinngitsoortivinnissaat, pingaaruteqarpoq ajutoorfiusinnaasut taakku teknikkikkut aaqinniaannarnissaannut taarsiullugu.

Akuutissanik atuineq kiisalu tamatuma kinguneri avatangiisinut sunniutissanik nassuiaammi itinerusumik nassuarneqanngillat.

Ingerlatseqatigiiffiup akuiaanermi cyanidimik atuinianginnera, taarsiulluguli noqitsinermik puttallartitsinernillu atuiniarnera pitsaasuvoq. Kisiannili puttallartitsinermi akuutissat allat atorneqassapput, taakkulu toqunartoqassusiat, pinngortitami nungujartorsinnaassusiat kiisalu kimittoriartorsinnaassusiat pillugu paasissutissat amigaataapput, tamannalu avatangiisinut sunniutissanik nalunaarusiami inaarutaasumi ilanngunneqassaaq.

Aammattaaq akuutissat avatangiisinut ajoqutaasut taartigisinnaasaannik isumaliutersuutit amigaataapput.

Imeq innarlerneqaqqunagu Itillersuup Kuuanut aniatitsisarnerit eqqarsaatigalugit pisuni suugaluaani imermik atornikumik aniatitsinermi kiisalu suliffeqarfiup nammineq erngup pitsaassusianik misissuisarnerani, taavalu eqaloqarfiup aatsitassarsiornermit pitsaanngitsumik sunnerneqarnissaa pinaveersaarniarlugu avatangiisitigut piumasaqaatit qaffasissut piumasaqaatigineqartariaqarput.

Tamatumanittaaq eqqarsaatigineqarput akuiarnerlukut panertunngortinniarlugit akuutissat atorneqartussat. Tamatumanittaaq suliffeqarfiup nammineq misissuisarnerani piumasaqaatit pisariaqarput, kiisalu avatangiisinut aniasoorumanani saliisarnissap pisariaqassusia.

Saffiugassat

Akuiagassap akui qaffasissut, soorlu cadmiut aamma arsen isumakulunnartoqarput. Cadmium uumassusillit timaanni eqiteruttartuusut annertuumillu peqqigunnartitsisinnaasutut ilisimaneqarpoq. Arsen, aamma akuutissaasoq avatangiisinut ulorianartoq, kuuffigititsilluni kiisalu sajukulaartitsilluni misissuisarnerni tamatigut qaffasittarput, tak. nalunaarusiami imm. 5.11.3.

Cadmiumip arsenillu, kiisalu kuultisiorfissami saffiugassat allat qaffannissaat pinaveersaarniarlugu pinngitsoortinniarlugulu ingerlatseqatigiiffiup qanoq iliulersaarnera nassuiaammi erseqqissarneqarsimanningsutut Kalaallit Nunaanni WWF-ip nalilerpaa. Tamatuma erseqqinnerusumik nassuiaammi oqaatigineqarnissaa pingaaruteqarluinnarpoq tassami sumiiffik tamanna aamma nunaqavissunit atorneqartartussaammat. Saffiugassat annertuallaaat aniatinneqannginnissaannik ingerlatseqatigiiffiup uppersaarnissaannik piumasaqaateqartarnissaa naatsorsuutigineqarpoq.

Avatangiisit pujoralannit sunnigaanerat

Tamaani siusinnerusukku kuultisiorqarnerani pujoralaap akiorneqarnera amigarsimavoq. Pujoralannikkut mingutsitsineq pillugu sukanganerusunik piumasaqaasiortoqartariaqarpoq, soorlu aqquserngit ujaraarallit imermik seqqittartarnerisigut imaluunniit aqquserngit suikkaasunik qallusernerisigut pujoralatsaaliuineq eqqarsaatigalugu. Aammattaaq ilioqqaavissanit pujoralak



for a living planet®

imerlu assut eqqumaffigineqartariaqarput, aatsitassarsiorfiullu sulluini namminerni ilioqqaasarnissaq tamanit pitsaanerussagalarpoq.

Tamatuma saniatigut Danmarkimi Avatangiisinik Nukissiutinillu Misissuisoqarfiup / Pinngortitaleriffiup kaammattuutai atuuttutut naatsorsuutigineqartunut tunngasuut Kalaallit Nunaanni WWF-ip ilalerpai ”aatsitassarsiornermiit pujoralatsitsisinnaanernut isummiussat piffissami aalajangersimasumi sumiiffissatut aalajangiunneqarsinnaasunut ornigulluni uuttortaanermut atatillugu uppernarsarneqassasut. Pujoralaat katersuunnerini siaruarnerinilu Kalaallit Nunaanni aatsitassarsiorfinnik ingerlatsinermi avatangiisini silaannaap pitsaassusissaanut tunngavissat malinneqarnerat uppernarsarniarlugu tamanna ingerlanneqartariaqarpoq”³.

Pinngortitamit nukissiutit kiisalu orsussamik kinertumik atuneq

Anorisaatinik seqinermiillu sarfaliutinik atuisoqarsinnaagaluartoq Ingerlatseqatigiiffiup misissuinerani paasineqarpoq, oqaatigineqarporli taakku atorneqassanngitsut massakkut suliariniakkap ilusilersorneqarnera eqqarsaatigalugu teknikkikkut aningaasarsionnikkulluunniit atorluarsinnaannginneri pissutigalugu. Tunngavilersuutit sukumiinerusut avatangiisinut sunniutissanik nalunaarusiami saqqummiunneqanngillat. Kalaallit Nunaanni WWF-ip tamanna amigaataasutut qanorlu iliuseqarfigisariaqartutut isigaa.

Pinngortitap nukingisa suliffissuarni nukissamik annertuumik atuffiusariaqartuni atorneqartarnissaat Kalaallit Nunaanni WWF-ip assut pingaarutilittut isigaa. Uulianik ingerlatseqarnerup ajoqutai ilaannakuugalumilluunniit mingunnganngitsunik nukissiuteqarnikkut killilersimaarneqarsinnaapput. Paaliorneq Issittumi assorsuaq kingunerluttarpoq, aputimmi qaamanermik utersaartitsisarnera qernertuararpassuarnit annikillisarpoq Issittullu kiatsikkiartornera sukkatsisartarlugu.

Kalaallit Nunaanni WWF-ittaaq orsussap kinertup umiarsuarni kuultisiorfimmu assartuisuni atorneqartannginnissaa kissaatigaa. Orsussap kinertup maqisoorutigineqarnera avatangiisinut ulorianaqimmat 2024-miit atuutilersumik Nunat tamalaat imarsionnikkut suleqatigiiffianit IMO-mit inertequtigineqalerpoq (immikkulli akuersinikkut atorneqarnissaanut periarfissaqarpoq). Tamatumani Namminersorlutik Oqartussat sallerasaariaqarput orsussallu kinertup atorneqarnera piaarnerpaamik unitsittariaqarlugu kuultisiorfiliariniakkallu akuerineqannginnerani tamanna pillugu piumasaqaasiortariaqarluni, tassami imartami Kalaallit Nunaat aningaasarsionnikkut oqartussaaffigisaani imaani avatangiit illersorneqarnissaanik inatsisip allanngortinneqarneratigut siunertaammat orsussap kinertup atoqqusaajunnaarnissaa, taannalu februar-martsimi 2024 Folketingimi inatsisissanngorlugu oqaluuserineqartussaammat.

Inussiarnersumik inuulluaqqusillunga

Talea Weissang

Avatangiisinut immikkut ilisimasalik

WWF Kalaallit Nunaanni

³ Bach, L, Juncher Jørgensen, C, Bomholt Dyrholm Jacobsen, I, Jia, Y. 2023. DCE/GN – Miljøfaglig vurdering af ‘Nalunaq Gold Project. Environmental Impact Assessment, March 2023’, Aarhus Universitet, DCE - Nationalt Center for Miljø og Energi . – Scientific briefing. 4 april 2023 |73



for a living planet®

WWF Verdensnaturfonden / WWF Denmark

Tuapannugit 38,

3900 Nuuk

Kalaallit Nunaat, Greenland

E-mail: Talea.Weissang@wwf.dk

Mobile: +299 52 39 00